

Ewi waween ao ɱaroon jipaɱ client ro ejelok aer injuron bōk wā?

- Kwalok ñan client ke eloñ wā ko ejelok wonāān ak edik wonāān ilo an ejelok injuron.
- Kwalok clinic ko ilo jukjukin pād, jikin kauno ko, im rā in ājmour ko ilo jukjukin pād rej kōmman appointment in wā jokdoon jekjek in injuron.
- Leļok er ñan būrokraaɱ ko rej pād ilo jukjukin pād im kautiej ɱanit ko ejelok wonāān ak edik-wonāān wā ko ie ñan rūtto ro ejelok aer injuron.

Ta in Long COVID im ewi waween aō kōmeļeļe ki ñan client ro?

- Jabdewōt eo emōj an bōk COVID-19 remaron bōk Long COVID, eo ej meļeļein kakōļle ko aer reɱaron pad iuɱwin 3 allōñ ak elaplok.
- Kakōļle ko rekkā ekoba lap an mojno, pen an menono, addeboulul, būrooblem ko ilo ɱaron kememej im oktak ko ñan baɱ in menono.
- Taktō ro rej ekatak wōt kake Long COVID. Elañe kakōļle ko an juon client aitok-an pād, ba ren tōpar taktō eo aer.
- Pād wōt ilo aer bōk wā ko rekāal ej waween eo eman tata ñan kadiklok kauwōtata in bōk Long COVID. Wā ko rej pād ilo an ejelok wonāān ak ilo an dik wonāān.

Kajjitōk ko jen CHWs āinwot eok.



Kōmɱao ko ippān kajojo client oktak.

Emaron wōr am kajjitōk kake waween uwaak jōt wūnin kōñōñō ko rejenolok.

Errein ej uwaak ko.

Ta eo ij aikuj kōmmāne ñe juon client eban bōk wā kōn wūn ko ikkijen kabuñ?

- Eloñ ritōl in kabuñ ko rej errā kake wā, ak jōt emōj aer kōmman bwe armej ren mijak im wōr aer lōmnak kake wā ko.
- Tōmak ko an aolep rej oktak, innem eman tata ñan roñjake im uwaak kajjitōk ko an client eo am ijeļakin kajeoñ ukōt lōmnak ko aer. Leļok er ñan juon taktō ak juon rijerbal in ājmour eo enij leļok meļeļe ko remooļ.
- Kōjjeļā ki client eo am ke kwoj bellok ñan kōñōñō elaplok kake im kwalok meļeļe ko remooļ kake wā.

Ewi waween ao leļok naan in kapilōk ñan client ro rej bōrōro ak rej pārōn kāāl im ewōr aer abñōñō ikkijen wā?


- Rojāñ bwe ren kōñōñō ippān juon taktō in ājmour ak taktō in ajri eo aer kake kōjbarok in wā ko — ñan er māke im ñan ajri ro nejier.
- Kwalok ñan er ke remaroñ aikuj kajjitōk ippān jikin taktō ko aer kake wā ko, ekoba ñan COVID-19.
- Kwomaroñ bar kwalok jikejuul in wā ko ilo **Pepa in Kwalok Naan in Kapilōk ko 1.**

Ij ke maroñ tōpar taktō eo an juon client elañe ewōr aer kajjitōk ko ijjab maroñ uwaak?

- Aet, ak bōk melim jen client eo mōkta im kajeoñ jab kajjitōk ippān taktō ro meļeļe in ājmour ko an client eo.
- Kwomaroñ jipañ client ro jikejuul appointment in wā ippān taktō aer, ak kajjitōk wā ta ko rej aikuj.

Ak ñe juon client ejjab wā jen wōt an kar jab eman ta eo eaar ion ippān taktō ro an mōkta lak?

- Kiļe eñjake ko aer im ta ko rekar ion e, im kwalok ñan er ke ejimwe aer abñōñ im rej aikuj kōmadmōd kake kautiej.
- Kajjitōk in kōñōñō jermal in wā eo. Kotļok aer lewaj kajjitōk, bōk aer ien im kōmman kelet jen meļeļe ko.
- Elañe ej tok limoer, leļok er ñan juon taktō eo remaroñ lōke eo kwojeļā ke enij roñjake, uwaak kajjitōk ilo kautiej im kōmman juon eñjake eo elaplok an eman.



Lelok client ro ñan jikin ko ilo jukjukin pād remaroñ wā ie.

Jikaan e QR code eo, innem jiped **FAQs** batin.

